

# Gozgyah Minzvej Bae Fuconh Gaujcaz Diuyenz

4 nyied 20 hauh daengz 22 hauh, Gozgyah Minzvej Genhdz Genjcazsw, Swcigh Minzcunghvej daengj bae Fuconh Yauzcz Swciyen gaujcaz diuyenz gij hong cauhlaeb minzczuz doxgiet baenaj. Diuyenzcu saeddieg gaujcaz le gij ranzsaw, coengceiz gaeuqgeq, yawj le segih “aen ranz minzczuz” caeuq Fuconh Yauzcz Bozvuzgvanj, ngonzyawj le foux gyongraez, fwen godangz Yauzcz daengj minzsug biujyenj. Diuyenzcu nyinhnaeuz, Fuconh aeu laebdaeb bouh ndei gij gunghcoz gihci, hai vat daegsaek vwnzva minzczuz, aeu banhfap moq bae guh hong, guh yienghndei bae daiqdoengh gij hong cauhlaeb. Fuconh youq bi 2021 aeu ndaej aen mingzdaeuz daengx guek minzczuz doxgiet baenaj sifanyen. Baezlaeng Fuconh aeu engq roengzrengz, aeu biucinj engq sang bae raiz bien minzczuz doxgiet baenaj moq.

(Cau Ginhbinh Dwng Vangzyi Lij Sezyiz / 赵金宾 邓黄玉 李雪仪)

► Diuyenzcu ngonzyawj guekgya gaep feihyiz foux gyongraez Yauzcz biujyenj.



## Bwzliuz: Fwenfoux Caez Cuk Cingz Minzczuz

Sam nyied cosam yienznaeuz gaeng gvaq lo, hoeng gyoengqvunz Bwzliuz Si cungj sim' angq raixcaix. Mboengqneix, Bwzliuz Si youq Sihlangj Cin Mbanjmumenz guh Gaiq Daihngaih Saujsu Minzczuz Lenzyizvei Veiyenz Daibuij Daivei dem hozdung “sam nyied sam Bouxcuengh” minzczuz caez guh' angq.

Gij hong vuenh gaiq sat le couhwdg fwenfoux, guhcaemz, ciengj dap daengj. Ciengzmienh nauhyied angqyangz, lwnhgangj le gij lijnen “daih doxgiet, daih lienzhab, daih hwngfat” haenx, hawj vunz-lai gak minzczuz engq doxhuz doxndei.

(Yenz Yilenz / 严玉莲)



▲ Bwzliuz Si sim' angq hoh “sam nyied sam Bouxcuengh”.

## Vah Minzczuz Gangj Gojgaeq, Hoh Aendangj Laebbaenz Bak Bi

4 nyied 23 hauh dwg ngoenz guh seiqgyaiq doegsaw. Lungzswng Gak Cuz Swciyen aeu vah minzczuz doxdax gangj gojgaeq, yenjgyangj dem aen hozdung doegsaw son' gyauq gyaezguek cuji. Gyoengq lwghag ndang daenj buhvaq minzczuz, aeu Vahcuengh, Vahmyauz, Vahyauz daengj vah minzczuz ganggoj, yenjgyangj, ciepcienz caeuq hwngfat le vwnzva minzczuz, langhbaij yienghndei minzczuz, cauhguh gij fwnhveiz “vunzvunz maij doegsaw, bouboux doeg saw ndei”, angqhoh aendangj laebbaenz bak hop bi.

(Vuz Swnghbinh / 吴生斌)

## Lozcwngz Dazyinx Vunzlai Caez Viq Dujva Doxgiet



▲ Bouxgagnyienh ganggaij swhliu hawj gyoengqvunz nyi.

4 nyied 22 hauh, Lozcwngz Mulaujceuz Swciyen youq Minzczuz Vwnzva Gvangcangz banh gij yizsiz haiguh bi 2021 ndwen senhconz minzczuz doxgiet baenaj. Yienhciengz miz venj fukvang, baij canjbanj, fat swhliu, ganggaij daengj. Dazyinx vunzlai gak minzczuz camgya gij hozdung cauhlaeb minzczuz doxgiet baenaj, cukmaenh gij eiqsik caezcaemh Cunghvaz Minzczuz, coicaenh minzczuz doxgiet, aenbiengz doxhuz.

(Mungz Cwnghsw/蒙增师)